

ԲՈՒՇԵՎԻԿՅԱՆ ԲՈՒՆԱՃՆՇՈՒՄՆԵՐԸ ՈՐՊԵՍ 1921 թ.

ՓԵՏՐՎԱՐՅԱՆ ԱՊՍՏԱՄԲՈՒԹՅԱՆ ՊԱՏՃԱՌ

(1920-1930-ական թթ. սփյուռքահայ հասարակական-քաղաքական մտքի գնահատականը)

1920թ. հայ-թուրքական պատերազմում հայկական բանակի ծանր պարտություններից հետո Բաքվում կազմավորված Հայաստանի ռազմաինքնավարական կոմիտեն 1920 թ. նոյեմբերի 29-ին խորհրդային բանակի ուղեկցությամբ մտավ Իջևան, որտեղ հայտարարեց դաշնակցական կառավարության տապալման և Հայաստանի խորհրդայնացման մասին¹: Հայեկեղծումը խոստանում էր Խորհրդային Ռուսաստանի օգնությամբ վերականգնել երկրի քայքայված տնտեսությունը և կառուցել նոր կյանք:

1920թ. դեկտեմբերի 2-ին մի կողմից ՌԽՖՍՀ լիազոր ներկայացուցիչ Բորիս Լեգրանի և մյուս կողմից՝ Հայաստանի Հանրապետության կառավարության ներկայացուցիչներ Դրոյի և Համբարձում Տերտերյանի միջև ստորագրվեց Երևանի համաձայնագիրը: Այն նախատեսում էր իշխանության խաղաղ անցումը Դաշնակցությունից բոլշևիկներին: Սահմանվում էին իշխանության փոխանցման սկզբունքները, որոնք հիմնականում հետևյալներն էին. Հայաստանում մինչև խորհուրդների համագումարի հրավիրումը իշխանությունը ժամանակավորապես տրվում է ռազմաինքնավարական կոմիտեին, որի մեջ մտնում էին 5 կոմունիստներ և 2 ձախ-դաշնակցականներ, Դաշնակցության և մյուս ոչ բոլշևիկյան սոցիալիստական կուսակցությունների ներկայացուցիչները հալածանքի չէին ենթարկվելու կոմունիստական կուսակցության դեմ նախկինում տարած պայքարի համար, Խորհրդային Ռուսաստանը երաշխավորում էր Խորհրդային Հայաստանի անկախությունը²:

Հայաստանի խորհրդայնացումից կարճ ժամանակ անց բոլշևիկյան իշխանությունը ակտիվ պայքար սկսեց, այսպես կոչված, ժողովրդի թշնամիների դեմ: Դեկտեմբերին ձերբակալվեցին ՀՀ նախկին կառավարության անդամները: Ավելի ուշ ձերբակալվեցին հայկական բանակի 1000-ից ավելի սպաներ, որոնց ուղարկեցին Բաքվի և Ռուսաստանի բանտեր: Անխնա հալածվում էր հայ մտավորականությունը, կոռուպցիոն հայ գյուղացիությունը:

Ժողովրդի համբերության բաժակը լցվեց, և 1921թ. փետրվարին ապստամբություն սկսվեց բոլշևիկյան իշխանությունների դեմ: Փետրվարի 18-ին ապստամբ ուժերը մտան Երևան: Բոլշևիկները և կարմիր զորամասերը հեռացան Դամարյու (Արտաշատ):

¹ Հայաստանի ազգային արխիվ (այսուհետև՝ ՀԱԱ), ֆ. 113, ց. 1, գ. 1, թ. 1, 1 շրջ. 2:

² Խատիսեան Ա., Հայաստանի Հանրապետության ծագումն ու զարգացումը, «Հայրենիք» ամսագիր, 1926, հոկտեմբեր, էջ 101-102:

Երևանի գրավումից անմիջապես հետո Միմոն Վրացյանի գլխավորությամբ ստեղծվեց Հայրենիքի փրկության կոմիտե, որը պետք է կառավարեր երկիրը մինչև կառավարության ձևավորումը: Կոմիտեն փետրվարի 18-ին ժողովրդին ուղղած իր առաջին ուղերձում կոչ էր անում պաշտպանել կարգ ու կանոնը, խստիվ կատարել Կոմիտեի բոլոր կարգադրությունները³:

Բոլշևիկները Նոբհրդային Ռուսաստանի աջակցությամբ ապրիլի 2-ին մտան Երևան: Մայրաքաղաքը ավերածությունից փրկելու և ավերորդ արյունահեղությունից խուսափելու համար որոշվեց Երևանը հանձնել առանց մարտի: Հայրենիքի փրկության կոմիտեն, զորքը և մեծ թվով բնակիչներ Բաշ-Գառնի-Դարալացյազ ուղղությամբ բռնեցին դեպի Ջանգեզուր տանող ճանապարհը, այնտեղից էլ անցան Պարսկաստան:

1920-1930-ական թվականներին սիյուռքահայ հասարակական-քաղաքական միտքը, ի թիվս այլ հարցերի, քննարկեց նաև փետրվարյան ապստամբության պատճառները: Հարկ է նշել, որ հիմնական քննարկումները տեղի են ունեցել դաշնակցական շրջանակներում:

Փետրվարյան ապստամբության պատճառների մեջ կարևոր են համարվել Հայաստանի բոլշևիկյան իշխանությունների կողմից իրականացված անհարկի ձերբակալությունները:

Հայ բոլշևիկներն իշխանությունն իրենց ձեռքը վերցնելուց անմիջապես հետո սկսեցին չհարգել Երևանի համաձայնագիրը: Նոբհրդային Հայաստանի Չեկայի (արտակարգ հանձնաժողով, ռուս.-ն.Ս.) նախագահ Գևորգ Աթաբեկովը նույնիսկ անհեռառես է համարում Բ. Լեզրանի կողմից Դրոյի հետ համաձայնագրի կնքումը՝ ցինիկաբար գրելով, թե այդ պայմանագիրը փաստացի բոլշևիկներին հնարավորություն չի տալիս ձերբակալություններ իրականացնելու⁴:

Տարագիր հայ գործիչ Գաբեգին Նժդեհը նշում է, որ մինչև Հայաստանի խորհրդայանցումը բոլշևիկներն արդեն վրեժխնդրություն էին ծրագրում դաշնակցականների հանդեպ, և դեկտեմբերի 2-ի պայմանագիրը ոչինչ չէր նշանակելու իրենց համար: Բոլշևիկյան «Կարմիր Ավանգարդ» թերթն սպառնացել էր «բնաջնջել Դաշնակցական ամբողջ հակայեղափոխությունը»⁵: Այս հրապարակման կապակցությամբ Նժդեհը գրում է. «Ահա այն արևոտ դատավճիռը, որի հաջող գործադրութեան դեպքում հայ ժողովուրդը պիտի գլխատուէր, պիտի մեռներ կուտուրապես: «Գլխովին» ոչնչացնել Հ.Յ.Դաշնակցությունը, որ ասել է՝ հայ մտաւորականութեան մեծագոյն մասը և նրա մարտական բոլոր տարրերը»⁶: Գ. Նժդեհն անդրադառնալով բոլշևիկների գործադրած սարսափազդու կոչերին, գտնում է, որ դրանք բխում էին ոչ թե ժողովրդի հանդեպ նրանց ունեցած անկեղծ մտահոգությունից, այլ վերջիններիս քինախնդրության նենգ դրսևորումներ էին: Հակապետական գործունեության համար մի քանի կուսակցական ընկերների սպանության

³ ՀԱՄ, ֆ. 37, ց. 1, գ. 9, թ. 5, 5 շրջ.:

⁴ ՀԱՄ, ֆ. 1438, ց. 1, գ. 10, թ. 12:

⁵ «Կարմիր Ավանգարդ», Բաքու, 1920, 30 հոկտեմբերի:

⁶ Նժդեհ Գ., Ազատ Միւնիք, «Հայրենիք» ամսագիր, 1925, յուլիս, էջ 84:

դիմաց ոչնչացնել մի ամբողջ ժողովրդի մտավորականությանը, Գ. Նժդեհի բնութագրմամբ, հրեշտություն էր:

Կահիրեի «Հուսաբեր» օրաթերթի խմբագիր Վահան Նավասարդյանն էլ իր հերթին գրում է, որ «Միանգամայն բնական ձևով տերրորի սովորոյթը դարձաւ բոլշևիկի երկրորդ բնատրութիւնը, - սկզբնական շրջանին կրելով մասնակի բնոյթ եւ ուղղուած լինելով միայն որոշ հակառակորդների դէմ, յետագային նա դարձաւ ամենքի դէմ անխտիր»⁷: Հայ բոլշևիկները, հակառակ քաղաքական հետապնդումներ չիրականացնելու իրենց տված խոստմանը, այն դարձրեցին իրենց գործելաճի պարտադիր բաղադրիչը:

Խորհրդային իշխանությունները նախապես կազմել էին այն մարդկանց ցուցակը, որոնք պետք է ձերբակալվեին խորհրդային իշխանության հաստատման առաջին իսկ ժամերին⁸: Ձերբակալությունների հարցում հիմնական դերակատարը Չեկան էր: Դեկտեմբերի 6-ին Չեկան կազմավորվեց և անմիջապես գործի անցավ, ու սկսվեցին ձերբակալությունները⁹: Ըստ Ս. Վրացյանի՝ Չեկայի համար ստեղծվեցին բոլոր պայմանները, «երան յատկացուեցին Ռոստոմի և Կարճիկեան փողոցի անկիւնում երկու խոշոր շինութիւններ: Չեկայի նախագահութեան համար բռնագրաւուեց Խորհրդարանի փոխ-նախագահ Ա. Սահակեանի բնակարանը»¹⁰: Փաստորեն, բոլշևիկները ի սկզբանե էին ծրագրել իրենց կողմից իրականացվելիք բռնագրավումների քաղաքականությունը, որը գործադրվելու էր Չեկայի ձեռամբ:

Աչքի ընկնող ոչ բոլշևիկ գործիչներից առաջինը ձերբակալվում է Հայ ՄԴԿ ԿԿ անդամ Բախշի Իշխանյանը¹¹: Ապա բանտարկվեցին խմբապետ Համազասպը, Բայազետի քաղաքագլուխ Վ. Աֆրիկյանը և ուրիշներ: Սակայն բոլորը կարծում էին, որ դրանք մասնավոր դեպքեր կարող էին լինել:

Սփյուռքահայ հասարակական-քաղաքական միտքը պնդում է, որ հասարակության վրա առավել ճնշող տպավորություն թողեց Վրաստան անցնելու նպատակով Երևանից հեռացած ղեկավար կուսակցական և պետական գործիչների ձերբակալությունը (Համո Օհանջանյան, Բժ. Հակոբ Տեր-Դավթյան, Արտաշես Չիլինգարյան, Կորյուն Ղազարյան, Վ. Նավասարդյան, Արշալույս Աստվածատրյան և ուրիշներ)¹²: Առավել նվաստացուցիչ էր ձերբակալվածների մի մասին բռնատար մեքենաներով, իսկ մյուս մասին ոտքով Երևան բերելը¹³:

⁷ Նավասարդյան Վ., Հ. Յ. Դաշնակցութեան «լիկուիդացիան» (Բոլշևիկզմի սնանկութեան առիթով), Գահիրե, տպարան «Յուսաբեր», 1924, 187 էջ:

⁸ Վիրաբյան Ա., Հ. Օհանջանյանի կառավարության անդամների ձերբակալման մասին, «Բանբեր Հայաստանի արխիվների», Երևան, 2009, թիվ 1 (113), էջ 107:

⁹ Վրացեան Ս., Ինչու եւ ինչպէս խորհրդայնացաւ Հայաստանը, «Հայրենիք» ամսագիր, 1940, փետրուար, էջ 73:

¹⁰ Վրացեան Ս., Յուշեր մօտիկ անցեալից, «Հայրենիք» ամսագիր, 1923, դեկտեմբեր, էջ 69:

¹¹ «Коммунист», Эривань, 1921, 7 декабря.

¹² Դաշնակցական գործիչների ձերբակալման հրամանն իրականում ավելի շուտ է եղել: Օհանջանյանի կառավարության անդամների ձերբակալության մասին հրամանը, որքան էլ զարմանալի է, արձակել էր Բ. Լեգրանը Երևանի համաձայնագիրը ստորագրած օրը՝ դեկտեմբերի 2-ին (տե՛ս Գալոյան Գ., Հայաստանը և մեծ տերությունները 1917-1923 թթ., էջ 374): Պատմաբան Վլադիմիր Ղազախեցյանի բնորոշմամբ՝ Բ. Լեգրանը ամենակոպիտ

Արմեն Սևանը¹⁴ գրում է, որ Բախշի Իշխանյանի ձեռքակալությունը սկզբում համարվեց օրվա իշխանությունների թուլության և երիտասարդ կոմունիստների չափազանցված եռանդի արդյունք¹⁵։ Սակայն դեկտեմբերի 6-ի ձեռքակալությունները եկան ապացուցելու, որ սխալ էր այդպես մտածելը¹⁶։

Փաստորեն, Հայաստանի բոլշևիկ ղեկավարները երկրում առկա բազմաթիվ անհետաձգելի խնդիրները լուծելու փոխարեն, անմիջապես ձեռնամուխ եղան նախկին կառավարության անդամներին և նրանց համախոհներին ձեռքակալելու գործին։ Առավել ևս, որ վերջիններս հետևում էին Հայաստանից և հակապետական ոչինչ չէին ձեռնարկել։ Բոլշևիկների կողմից ստորագրված պայմանագիրն իրենց համար որևէ արժեք չուներ։

Միմյուս Վրացյանը գրում է, որ առաջին իսկ օրերից Չեկայում խոսում էին գեղակահարությունների անհրաժեշտության մասին։ Նույնիսկ հեչեցվել են գեղակահարության ենթակա թեկնածուների անուններ՝ Ռուբեն Դարբինյան, Մերգել Մելիք-Յուլյան, Համազասպ, Բախշի Իշխանյան և ուրիշներ¹⁷։ Փաստորեն, բոլշևիկները ծրագրել էին նաև ձեռքակալվածներին սպանել։

Բոստոնի «Հայրենիք» օրաթերթը գրում է, որ ձեռքակալությունները բոլշևիկներն անհրաժեշտ էին համարում «հակալեղափոխությունը» արմատախիլ անելու և բոլոր վնասակար տարրերը չեզոքացնելու նպատակով¹⁸։ Ըստ թերթի՝ այս «հիմնավորումը» ևս դժգոհություն առաջ բերեց ժողովրդի մեջ։

Տարագիր հայ գործիչներն անվերապահորեն պնդում են, որ բոլշևիկների գործողությունների գլխավոր թիրախը Դաշնակցությունն էր։ «Ֆիզիքական մահ Դաշնակցության», - այս դարձառ բոլշևիկների համար օրուայ կարգախօսը,¹⁹ - նշում է Ս. Վրացյանը¹⁹։ Այս առումով ավելի մանրամասն գրում է Իրազեկը։ Վերջինիս ներկայացմամբ «հարուածն ուղղումն էր առաւելապէս Դաշնակցութեան ու

կերպով ռոտահարում էր իր իսկ ստորագրած համաձայնագիրը, իրեն տերուտնօրեն համարում Հայաստանում (տե՛ս Դազախեցյան Վ., Հայաստանը 1920-1940թթ., Եր., 2006, էջ 39։)

¹³ Վրացյան Ս., Յուշեր մօտիկ անցեալից, «Հայրենիք» ամսագիր, 1923, դեկտեմբեր, էջ 69։

¹⁴ Արմեն Սևանը փետրվարի 18-ի աչքի ընկնող դերակատարներից մեկն է եղել, և «ՎՀԼ»-ում հրապարակված նրա գրությունը դեպքերի ճշգրիտ արձանագրությունն է, որ գրել է դեպքերից անմիջապես հետո, թարմ տպավորության տակ։ Նա փետրվարյան ապստամբությունից հետո հաստատվել է սփյուռքում։

¹⁵ Սևան Ա., Փետրուար 18-ի յեղափոխությունը «ՎՀԼ», 1936, Դ տարի, թիւ 1, էջ 91։

¹⁶ Նուն տեղում, էջ 92։

¹⁷ Վրացյան Ս., Յուշեր մօտիկ անցեալից, «Հայրենիք» ամսագիր, 1923, նոյեմբեր, էջ 63-73, դեկտեմբեր, էջ 70։

¹⁸ «Հայրենիք» օրաթերթ, 1931, 19 փետրուարի։

¹⁹ Վրացյան Ս., Հայաստանի Հանրապետությունը, «Հայրենիք» ամսագիր, 1922, դեկտեմբեր, էջ 53։ (Միմյուս Վրացյանի «Հայաստանի Հանրապետությունը» վերնագրված այս գրությունը, որը հրատարակվել է «Հայրենիք» ամսագրի 1922թ. նոյեմբերի, դեկտեմբերի, 1923թ. հունվարի համարներում, չէ՛ր Ամերիկայի շրջանի 29-րդ Պատգամավորական Ժողովին ներկայացված գեկույց է։ 1920-ականների վերջերին և 1930-ականներին «Հայրենիք»-ի համարներում հրատարակվում է Ս. Վրացյանի նույն «Հայաստանի Հանրապետությունը» վերնագրով մեծածավալ հուշագրություն-ուսումնասիրությունը, որը հետագայում հրատարակվում է առանձին հատորով)։

Դաշնակցականների դեմ, որովհետև բոլշևիկ թշնամին շատ լաւ գիտէր ու հասկանում էր, որ հայութեան վրիժառու բռնեցքը, երաւագային շահերի արթուն պահակն ու պաշտպան ձեռնարկները իր կազմակերպութեամբ հոծ շարքերով եւ մարտական գերազանց կարողութիւններով: Եւ ամենից աւելի տուժեցին ու չարաչար կերպով պատուհասուեցին Դաշնակցութիւնն ու Դաշնակցականները: Դաշնակցականներից քչերը միայն կարողացան դաժան ճակատագրից խուսափել՝ ոմանք հրաշքով երկրից դուրս գալ յաջողելով, ուրիշներ երկրում ապահով թագստոցներում փրկութիւն գտնելով»²⁰:

Փետրվարյան ապստամբության ղեկավարներից Կարո Սասունին գրում է, որ ձերբակալութիւնները տեղի էին ունենում հակառակ բոլշևիկների տված խոստումների, և դրանով «սկիզբն է դրւում ձեռնարկներու դեմ մի հալածանքի, որն իր վերջին գունաւորումներով, մօտենում է Էնվեր-Թալէպեան սիստեմին»²¹: Փաստորեն, ըստ Կ. Սասունու, բոլշևիկների ցուցաբերած վարքագիծն այնքան դաժան էր, որ այն համեմատում էր երիտթուրքերի գործելակերպի հետ:

Բոլշևիկների կողմից տված խոստումը մերժելու մասին է նշում նաև տարագիր հայ սպա Հակոբ Մարմանեյանը: «Հակառակ իրենց խոստման, երբեք Յեդկուի սիստեմին չհրաւիրեցին «յեղափոխութեան կողմն անցած ընկերներ» Դրոյին եւ Տերտերեանին: Վերջինս շուտով հրաժարական տուաւ եւ հեռացաւ, իսկ Դրօն դեռ շարունակում էր մնալ որպէս Սովետական Հայաստանի կարմիր բանակի հրամանատար: Եւ այդ կարմիր բանակի հրամանատարի աչքի առաջ էր, որ ձերբակալեցին նախկին վարչապետ Հ. Օհանջանեանին, արդարադատութեան նախարար Ա. Զիլինգարեանին, քաղաքական եւ կուսակցական գործիչներ՝ Վ. Նուսսարդեանին, Մելիք Եօլջեանին, Վ. Բաբայեանին, Համազասպին եւ ուրիշներին», - արձանագրում է նա²²:

Կ. Պոլսի «Ճակատամարտ»-ն անդրադառնում է ձերբակալվածների հանդեպ ցուցաբերված դաժան վերաբերմունքին²³, որն առավել անտանելի դարձրեց իրավիճակը: Առանձնակի դժգոհություն առաջ եկավ, երբ արդարադատության ժողովրդական կոմիսարիատը ցրեց գործող դատարանները և ցանկացած դատերի վարման իրավունքը հանձնեց հեղափոխական տրիբունալներին²⁴: Իսկ առավել զավեշտալին և սադրիչն այն էր, որ հայ բոլշևիկները Խորհրդային Հայաստանի արդարադատության կոմիսար էին նշանակել Սովեյման Նուրիին²⁵, որն ինչպէս պարզվեց փետրվարյան ապստամբության օրերին քննալական գործակալ էր²⁶:

²⁰ Իրազեկ, Փետրուար 18, «Յուշամատեն ձեռնարկներու (1890-1950), (կազմ.՝ Ս. Վրացեան), Բոստոն, տպ. «Հայրենիք», էջ 309:

²¹ Սասունի Կ., Փետրուարեան ապստամբութիւնը, «Հայրենիք» ամսագիր, 1925, հոկտեմբեր, էջ 94:

²² Մարմանեյան Թ., Հայ սպաների արքայը (մի էջ հայ սպայի յուշերից), «Հայրենիք» ամսագիր, 1934, օգոստոս, էջ 102:

²³ «Ճակատամարտ», Կ. Պոլիս, 1921, 2 մարտի:

²⁴ «Ճակատամարտ», Կ. Պոլիս, 1921, 5 մարտի:

²⁵ Նուրիեան Ա., նշվ. աշխ., էջ 107:

²⁶ Աշխատունի Զ., Դրուագներ մեր ազատութեան պայքարից, «Հայրենիք» ամսագիր, 1925, յուլիս, էջ 131:

Բոլշևիկների կողմից «հակահեղափոխականների» զանգվածային ձերբակալությունները տեղի ունեցան 1921թ. հունվարին: Հունվարյան բռնությունները պայմանավորված էին նաև հակախորհրդային ելույթների նախապատրաստության մասին իշխանությունների ունեցած կասկածներով²⁷: Կ. Սասունու վկայությամբ ձերբակալվածների թիվը հասավ 1900-ի²⁸: «Հակայեղափոխական» անվան տակ շուրջ 2000 մարդու ձերբակալության մասին է գրում Աշոտ Թաթուր: Ընդ որում, բանտարկում էին «անմեղները առանց դատակարգի, տարիքի եւ սեռի խտրութեան»²⁹:

Բոլշևիկյան բանտերի սարսափների մասին է գրում 1915թ. Վանի ինքնապաշտպանության ղեկավարներից մեկը՝ բանտում հայտնված Հայկակ Կոստյանը³⁰: Նա Չեկայի և նրա ղեկավար Աթաբեկովի կիրառած բռնությունների մասին այսպես է արտահայտվում. «Գեորգ Աթաբեկովը եկել է Երևան... Նա վերակազմելու է Չեկան և լծելու է նրան անելի արմատական ձեռով բոլոր հակայեղափոխականներին, բոլշևիկեան իրաւակարգին թշնամի եղողներին մաքրագործելու, կամ՝ ինչպէս ընդունուած էր չեկայական բացատրութեամբ՝ րասխող անելու: Այս բոլորի համար նպատակահարմար էր քաղաքացիական կռուի ճամբով ընթանալ, հետեւելով Ռուսաստանի մէջ կատարուածին»³¹: Բանտում հայտնված գործչի տպավորությունը թեև ոչ առարկայական կարող է ընկալվել, սակայն նույնպես վկայում է բոլշևիկյան բռնությունների մասին, որոնք համապատասխան դժգոհությունների տեղիք տվեցին:

Բոլշևիկյան բռնությունների մեջ ամենագարհուրելին թերևս մտավորականների ձերբակալությունն էր: Հայ մտավորականությանը չձերբակալելու որոշ խելամիտ հայ բոլշևիկների մոտեցումն ու պայքարը Գ. Աթաբեկովը համարում էր սխալաստիկ բանավեճ³²: Նույնիսկ ՌԿ(Բ)Կ Կենտկոմի Կովբյուրոյի նախագահ Սերգո Օրջոնոկիձեն 1921թ. փետրվարի 1-ին Բաքվից Ս. Կասյանի ուղարկված հեռագրում հորդորում է Դաշնակցության դեմ պայքարը չվերածել մտավորականության դեմ պայքարի, թեկուզ, եթե այդ մտավորականները նախկինում դաշնակցական են եղել³³:

Սակայն, ինչպես բնութագրում է Գ. Նժդեհը, բոլշևիկները գիտակցաբար գնացին հայ մտավորականությանը բաբարոսաբար հալածելու և ոչնչացնելու քայլին: «Խորհրդային իշխանութիւնն էլ գիտեր, որ հանցանք է, ոճիւր ամէն մի մտաւորականի «հակայեղափոխական» եւ «խափանարար» հռչակել եւ յանձնել

²⁷ Խաչատուրյան Կ., Հայ-ռուսական հարաբերությունները 1920-1922 թթ., Եր., ՀՀ ԳԱԱ Պատմ. ինստ., 2007, էջ 65:

²⁸ Սասունի Կ., Փետրուարեան ապստամբութիւնը, «Հայրենիք» ամսագիր, 1925, հոկտեմբեր, էջ 101:

²⁹ Թաթուր Ա., Փետրուար 18-ի պատմական արժէքը, «Յառաջ» 1929, 21 փետրուարի:

³⁰ Կոստյան Զ., «Բանտի քարերն էին աղաղակում»... (Փետրուարեան ապստամբութեան ընդվզումի 30-րդ տարեդարձի առթիւ, 1921-1951), Գահիրէ, տպ. «Յուսաբեր», 1951, 66 էջ:

³¹ Նույն տեղում, էջ 34:

³² ՀԱԱ, ֆ. 1438, ց. 1, գ. 10, թ. 13:

³³ Զ. Յ. Դաշնակցությունը և խորհրդային իշխանությունը (Փաստաթղթերի և կյուրերի ժողովածու), Պատ. խմբագիր և կազմող՝ պրոֆեսոր Վ. Ն. Ղազարյան, Եր., 1999, էջ 17:

Չեկա կոչուած գազանին: Բայց քաջ զիտեր եւ այն, որ անգլուխ և անդեկավար գանգուածներն աւելի հեշտ են կառավարվում», - գրում է Գ. Նժդեհը³⁴:

Կ. Պոլսի «Ճակատամարտ»-ը հիշատակում է նաև բոլշևիկների կողմից հայ հոգևորականությանը հալածելու մասին: Վերջիններին արգելեցին դպրոցներում և մշակութային հաստատություններում որևէ պաշտոն զբաղեցնել: Դպրոցներում արգելվեց նաև Հայոց պատմության, գրականության, Հայաստանի աշխարհագրության ուսումնասիրությունը՝ մտածելով, որ դրանք կարող են ապագա սերունդներին մղել ազգայնականության և «հակայեղափոխականության»³⁵:

Փաստորեն, բոլշևիկյան հեղափոխությունն ավելի հեշտությամբ խորացնելու «մտադրությամբ» խորհրդային իշխանությունները Հայաստանում մտավորականության գանգվածային ահաբեկում իրականացրին: Սփյուռքահայ հասարակական-քաղաքական մտքի գնահատմամբ այս քայլն ամենաշատը հուզեց ժողովրդին և մեծապես ազդեց փետրվարյան ապստամբության հասունացմանը: Ի դեպ, բանտում գտնվող մտավորականության կորստի վախը նույնպես պատճառ էր ապստամբություն բարձրացնելու³⁶:

Բոլշևիկյան ձերբակալությունների ալիքը բարձրակետին հասավ 1921թ. փետրվարին: Սփյուռքահայ հասարակական-քաղաքական մեկ այլ գործիչ գրում է, որ ապստամբությունը հասունացավ հատկապես փետրվարի 9-10-ի գանգվածային ձերբակալությունների³⁷ պատճառով³⁸: Չեկան փետրվարի 13-ին նպատակարար էր համարել ձերբակալել նաև «բոլոր հայտնի մատուցերիստների և դաշնակցականների մոտիկ ազգականներին»³⁹: Փաստորեն, ձերբակալությունները սահմանափակելու, ժողովրդական դժգոհությունները մեղմելու փոխարեն, բոլշևիկները ավելի գանգվածային դարձրեցին դրանք: Հատկապես վերջին ձերբակալությունները և դրանց հաջորդած զնդակահարությունները, սփյուռքահայ հասարակական-քաղաքական մտքի գնահատմամբ, աներկբայելիորեն հանդիսացան 1921թ. փետրվարյան ապստամբության ամփոփը:

³⁴ Նժդեհ Գ., նշվ. աշխ., էջ 84:

³⁵ «Ճակատամարտ», Կ. Պոլիս, 1921, 4 մարտի:

³⁶ Արշակունի Ա., Փետրուարի ապստամբությունը, «Հայրենիք» ամսագիր, 1927, փետրուար, էջ 46:

³⁷ Փետրվարի 8-ին տեղի ունեցած ձերբակալությունները խորհրդահայ պատմագրության մեջ այսպես են ներկայացվում. «Միայն 1921 թ. փետրվարի 8-ին սկսվում են հակահեղափոխական ուժերի մասսայական ձերբակալությունները: Դրանով Հայկոմկուսի ներքին դասակարգային քաղաքականության մեջ սկսվում է նոր փուլ: Դասակարգային հակառակորդի չեզոքացման, մեկուսացման քաղաքականությունից Հայկոմկուսը անցնում է նրա ոչնչացման քաղաքականությանը» (Տե՛ս Խորշուրջյան Լ., Հայաստանի ոչ պրոլետարական կուսակցությունների զաղափարական-քաղաքական և կազմակերպական կրախը (1920-1921 թթ.), «Հայաստանում սովետական իշխանության ամրապնդման պատմության մի քանի հարցեր (1920-1922 թթ.), (Ժողովածու)», Եր., 1987, էջ 200):

³⁸ Արշակունի Ա., Փետրուարի ապստամբությունը, «Հայրենիք» ամսագիր, 1927, փետրուար, էջ 45:

³⁹ ՀԱԱ, ֆ 114, ց. 2, գ. 40, թ. 78: Հմմտ. Սուքիասյան Հ., 1921 թ. փետրվարի 18-ին նախորդած ձերբակալությունների փաստաթղթերը, «Վե՛ն» համահայկական հանդես, 2011, թիվ 1, էջ 209:

Ինչպես նշեցինք, փետրվարին բոլշևիկյան իշխանություններն արդեն գնդակահարությունների անցան: Իրազեկը գրում է Հայաստանում գործադրության մեջ մտած մի երևույթի՝ «*ռասխադի*» մասին, որը բոլշևիկյան տերմինաբանությամբ նշանակում էր Չեկայի կարգադրությամբ սպանել, ոչնչացնել⁴⁰:

Փետրվարյան դեպքերի ակնհաստես Ջավեն Աշխատունին ապստամբության առիթի մասին խոսելիս անդրադառնում է փետրվարի 18-ին նախարդած օրերին տեղի ունեցած գնդակահարություններին. «Փետրուարի 16-ին առաօտեան «Օրիանտ» հիւրանոցի մուտքի դռներ փակցուած էր Չեկայի կողմից Երևանի բանտում 22 գնդակահարուած բանտարկեալների ցանկը, որի մէջ Չեկան սպառնում էր նաեւ սպանուածների վիճակին եեթարկել այն բոլոր քաղաքացիներին, որոնք կը յանդգնին մասնակցել «հակայեղափոխական» շարժան՝ սովետական իշխանութեան դէմ»⁴¹: Գնդակահարվածների ցանկի հայտնվելը, բնականաբար ավելի է խորացնում ատելությունը տիրող կացության հանդեպ, և սկսում էին բացահայտ խոսել «եծիմի տապալման անհրաժեշտութեան մասին»⁴²: Ջ. Աշխատունին նաև նկարագրում է, թե ինչպես փետրվարի 18-ի առավոտյան ապստամբները կոտրելով բանտի դռները ներխուժեցին ներս՝ «ազատելու Հայաստանի ազատագրութեան գաղափարախօս մտաւորականութիւնն եւ միւս ընկերները, թուով 1700-2100 հոգի»⁴³: Բանտում գտնվողների մեծ մասը ծանր հոգեվիճակի մեջ էր հայտնվել: Բոլշևիկյան իշխանությունները նախապես կազմած ծրագրի համաձայն ոչ միայն ձերբակալում էին իրենց քաղաքական հակառակորդներին, այլև բանտերում սկսեցին գնդակահարություններ իրականացնել: Բնականաբար դա ավելի խորացրեց համընդհանուր դժգոհությունը, ժողովրդի համբերության բաժակը լցվեց:

Գնդակահարված և գնդակահարման ենթակա մարդկանց խնդրին անդրադառնում է նաև Արշակ Ալալյաճյանը: «Ամեն օր նախորդ օրը գնդակահար եղողներու ցանկը կը փակցնէին փողոցները, որպէսզի ժողովուրդը զիտնար և անաբեկէր:... Պոլշեվիքները ծրագրած էին 600 հոգի մահով պատժել, սակայն իրագործելու ժամանակ չունեցան», - գրում է սփյուռքահայ ականավոր գործիչը⁴⁴: Փաստորեն, բոլշևիկների վարած ձերբակալությունների և գնդակահարությունների քաղաքականությունը քննադատում էր նաև դաշնակցականներին ոչ համակիր, և խորհրդային իշխանությանը լոյս տրամադրված հասարակական-քաղաքական գործիչը:

Այսպիսով, 1921թ. փետրվարյան ապստամբության պատճառների մեջ 1920-1930-ական թթ. սփյուռքահայ հասարակական-քաղաքական միտքը, աներկ-

⁴⁰ Իրազեկ Ե., Մօտիկ անցեալից. Պատմական դէպքեր եւ ապրումներ (1917-1922), Պէրուր, 1956, տպ. «Համազգայինի», էջ 95:

⁴¹ Աշխատունի Ջ., Դրուագներ մեր ազատութեան պայքարից, «Հայրենիք» ամսագիր, 1925, յուլիս, էջ 135:

⁴² Նույնը:

⁴³ Նույնը:

⁴⁴ Ալալյաճեան Ա., Անկախ Հայաստան, «Ամենուն տարեցոյցը» (կազմ. Թէոդիկ), ԺՋ. Տարի, տպ. Մ. Յովակիմեան, Կ. Պոլիս, 1922, էջ 252:

բայորեն առաջնային է համարում բուլճիկների իրականացրած անհարկի ձերբակալությունները՝ իշխանությունն իրենց փոխանցելու առաջին օրվանից սկսած: Ժողովուրդը ծանր էր տանում հատկապես մտավորականության հանդեպ հալածանքն ու ձերբակալությունը: Առավել ևս, որ այդ ձերբակալությունները «հիմնավորվում էին այսպես կոչված «հակահեղափոխական» տարրերին ասպարեզից վերացնելու անհրաժեշտությամբ: Իսկ բանտում հայտնված մտավորական և զինվորական գործիչների գեղակահարություններն ու կացնահարություններն այլևս սպասելու տեղ չթողեցին: Փետրվարյան ապստամբությունը, նշված և այլ պատճառներով պայմանավորված, դարձավ անխուսափելի:

БОЛЬШЕВИСТСКИЕ РЕПРЕССИИ КАК ПРИЧИНА ФЕВРАЛЬСКОГО ВОССТАНИЯ 1921г. (оценки общественно-политической мысли армянской диаспоры в 1920-1930гг.)

____ Резюме ____

____ Х. Степanian ____

В 1920-1930 гг. общественно-политическая мысль армянской диаспоры в причинах февральского восстания 1921 г. считает приоритетным чрезмерные аресты большевиков. Народ особенно тяжело принимал преследование по отношению к интеллигенции. Аресты «мотивировались» необходимостью устранения из арены, так называемых, «антиреволюционных» элементов. Выстрелы и рубки топором интеллигенции и военных деятелей в тюрьмах не оставляли смысла более ждать. По этим и другим причинам февральское восстание стало неизбежной.

Տեղեկություններ հեղինակի մասին

Մտեփանյան Խաչատուր Ռոստոմի - պ. գ. թ., դոցենտ

Խ. Մքրվանի անվան հայկական պետական մանկավարժական

համալսարան, E-mail: kh.stepanyan@gmail.com, kh.stepanyan@rambler.ru